

ПОЛИРЕЗИСТЕНТ ШТАММЛАРИ ЧАҚИРГАН САЛМОНЕЛЛА ТИФИМУРИУМНИНГ ХАСТАЛИГИНИ БОЛАЛАРДА КЕЧИШИ

Вафоева Г., 620-гуруҳ, II - Педиатрия факультети

Илмий раҳбар: Мирисмаилов М.М.

ТошПТИ, Болалар юқумли касалликлари кафедраси

Долзарблиги. Салмонеллез хасталиги ичак инфекциялари ичида энг долзарб муаммолардан ҳисобланади. Айниқса, госпитал инфекция ҳолида хасталикни кечиши ёш болаларда кўпроқ кузатилмоқда. Салмонеллез хасталигининг ҳар хил клиник шаклда кечиши, асоратлар даражасининг ошиши, чўзилувчан шаклга ўтиши кўп жиҳатдан қўзғатувчининг микробиологик, генетик хусусиятларини ўзгаришига боғлиқ. Болаларда кечадиган салмонеллез хасталиги юқумли ичак касалликлари ичида муҳим ўринни эгаллаб келмоқда. Ушбу хасталик айниқса болалар ичида кўп учраши, оғир кечиши ва асоратлари кўплиги билан характерланади. Бунга асосий сабаб кундаликда ишлатиб келинаётган антибиотикларни кенг қўламда қўллаш натижасида полирезистент хусусиятга эга Салмонелла штаммлари пайдо бўлишидир.

Мақсад ва вазифалари. Полирезистент хусусиятга эга бўлган Салмонелла тифимуриум томонидан чақирилган салмонеллез хасталигини ёш болаларда клиник кечиш хусусиятларини ўрганиш.

Қўлланилган усуллар. Клиник, бактериологик ва серологик текширувлар 4-5 шаҳар юқумли касалликлар шифохонасида олиб борилди. Салмонеллаларнинг кундаликда ишлатиб келинаётган антибиотикларга сезгир штаммлари чақирган Салмонелла тифимуриумга чалинган 20та бемор (назорат гуруҳи) ва полирезистент штаммлари чақирган 15 та бемор болалар (асосий гуруҳ) кузатувга олинди. Бемор болалар 1 ёшдан 5 ёшгача бўлиб, Салмонеллезнинг турли шакллари билан касалланган ва барча ҳолда ташхис бактериологик усул билан тасдиқланган.

Олинган натижалар ва уларнинг таҳлили. Текширувлар шуни кўрсатдики, полирезистент штаммлар чақирган бемор болаларда касаллик оғир ва ўрта оғир шаклда кечган бўлса, назорат гуруҳидаги бемор болаларда Салмонеллез касаллиги асосан енгил ва ўрта оғирликда кечган. Полирезистент штаммлар чақирган Салмонеллез хасталигида ошқозон-ичак тизими зарарланиши симптомларининг давомийлиги назорат гуруҳига мансуб бўлган беморларга қараганда 3 кундан 5 кунгача узоқ давом этиши аниқланган. Бемор болаларда заҳарланиш (интоксикация) симптомлари қиёсий равишда ўрганилганда шу маълум бўлдики, асосий гуруҳ беморларда назорат гуруҳига нисбатан 2 -4 кун узоқ давом этиши ва бу беморларда кучли заҳарланиш симптомлари: ўта ҳолсизлик, дармонсизлик, қалтираш нейротоксикоз симптомлари кучли ва узоқроқ давом этиши диққатга сазовордир.

Хулоса. Полирезистент штамм чақирган Салмонелла хасталиги касалликнинг оғир ва ўрта оғир кечиши, ошқозон ичак тизимининг яллиғланиши, интоксикация симптомларини узоқ давом этиши билан характерланади.

Адабиётлар рўйхати:

1. Narbayev, T. T., Kh, T. U., Turaeva, N. N., & Terebaev, B. A. (2018). Modified Stone Benson's Perineal Proctoplastics in Low Forms of Anorectal Malformation in Children. J. American Journal of Medicine and Medical Sciences, 8(4), 66-70.
2. Оллабергенов, О. Т., М. М. Алиев, and Ф. А. Курбанов. "Зентель-в профилактике рецидива эхинококковой болезни у детей." Анналы хирургической гепатологии 10.2 (2005): 123b-124.